

## Jówẹlu

<sup>1</sup> Ọwaa bụ ozi, Ojejeje ziru Jówẹlu Petuwẹlu.

### *Igube abya ọgu*

- <sup>2</sup> Unu nụkwaa iphe-a;  
 unubẹ ndu bụ ọgurennya!  
 Unu gebekwa nchị;  
 unubẹ ndu bu l'ali-a l'unu ha!  
 Egbe iphe ọwaa;  
 ?o mejehawaru l'oge nk'unu?  
 ?T'o mejehawaru  
 l'oge kẹ nna unu oche phẹ?
- <sup>3</sup> Unu kọoru iya unwu unu!  
 T'unwu unu kọoru iya  
 unwu nk'ẹphe;  
 unwu nk'ẹphe akọoru iya  
 ọgbo ọphu abya nụ.
- <sup>4</sup> L'iphe o-tsu-dududu igube taphodoru;  
 bẹ utso-igube byaru bya ataa.  
 Ọphu utso-igube taphodoru;  
 bẹ ọ-kfụ-kpudakpuda igube byaru bya ataa.  
 Ọphu ọ-kfụ-kpudakpuda igube taphodoru;  
 bẹ mkpakparamatsụ igube byaru bya ataa.
- <sup>5</sup> Unu tehu etehu;  
 unubẹ ndu mẹe guderu;  
 wata ẹkwa!  
 Unu chia mkpu; unubẹ ndu mẹe!  
 Unu kpọo mkpu kẹ lẹ mẹe ọphungu ono  
 b'a lofuwaru unu l'ọnu!
- <sup>6</sup> L'o nweru mba, byaru bya afuaru ndu ali mu.

Ndu ono bu ndu ike;  
 ophu aagutadu ephe l'ogu.  
 Eze, no ephe l'onu dukota l'o bu k'agu;  
 epyi, no ephe l'onu adu  
 l'obu epyi nne agu.\*

7 O ripyawaru mgbo vayinu mu;  
 bya emewa oshi figu mu;  
 yo buru iyi.

O swashiwaru iya úgbò tufashia;  
 ekali iya achakota oswi kpalakpala.

8 Unu gwa aphu l'o bu  
 nwamgboko, yeru uwe-aphu,  
 l'agu aphu nwoke, abya okfu iya.

9 Ngweja-nri;  
 me le ngweja-mee;  
 be gvwaru nu l'eze-ulo Nchileke.  
 Ndu achijeru Nchileke eja no l'aphu;  
 mbu ndu ono, ejeru Ojejoje ozi ono.

10 Okfu, a koshiru akoko bukotawa iyi.  
 Ali gbe aguwa aphu;  
 ke l'iphe a koru iya mebyishihuwaru.  
 Mee ophungu tashihuwaru;  
 to nwehe iphe atataje le manu olivu.

11 T'onu kpokwaa unu okfu;  
 unube ndu ako okfu!  
 Unu kpo mkpu;  
 unube ndu akoje vayinu!  
 Unu gwa aphu witu;  
 me balu unu;  
 ke l'iphe e meberu l'okfu yifukotaakwaru.

12 Oshi vayinu kposihuwaru nku;

---

\* 1:6 1:6 Àph 9:8.

oshi figu anwukotawa kpaá.  
 Oshi ɔ́tara-okumu;  
 mɛ nkɔ́; ɔ́waa ɔ́dara;  
     mɛ l'iphe bú oshi,  
 nɔ́kota l'ɛ́gu l'ɔ́ ha  
 kpɔ́shihuwaru nkú;  
 kɛ́ l'iphe emeje t'ɛ́hu  
     tsɔ́ madzú ɛ́na  
 nwukotawaru kpaá.

*Ízurɛ́lu; unu kwaa izimana.*

- 13 Unu yee uwe-aphú;  
     wata ɔ́gu aphú;  
     unubɛ́ ndu achijeru Nchileke ɛ́ja!  
     Unu kpɔ́o mkpu;  
     unubɛ́ ndu ono, anɔ́duje eje  
     ozi l'ɛ́nya-ngwɛ́ja ono!  
     Unubɛ́ ndu ono,  
     nɔ́ l'ifu Nchileke mu eje ozi ono;  
     unu yee uwe-aphú  
     nɔ́kota ɛ́nyashi kpamu;  
     kɛ́le ngwɛ́ja-nri;  
     mɛ́ ngwɛ́ja-mɛ́e;  
     b'ɛ́ te gudejehedu abya l'ɔ́lo Nchileke unu.
- 14 Unu raa ya arara t'a swiáru  
     Nchileke aswiáwi, dú nsɔ́!  
     Unu tɔ́a ndzuko, a-dúru Nchileke iche!  
     Unu kukobe ndu bú ɔ́gurennya;  
     mɛ́kpɔ́ iphe bú ndu bú l'alí-a l'ɔ́ ha;  
     t'ɛ́phe dzukoo l'ɔ́lo Ojejoje, bú Nchileke unu;  
     raa ɛ́kwa raku Ojejoje.
- 15 Haa! ɛ́ge mbòku ono onanu  
     a-dúkwanu; kɛ́ l'eswe  
     Ojejoje dúakwa ntse.

Ọ bụ mbọku,  
 Ọkaribe-Kakọta-Ike  
 e-mebyishi iphemiphe ọbule.

- 16 ?Tọ gbadu ayi l'ifu  
 teke nri bataberu l'ulo Nchileke ayi;  
 bya agbaa ayi l'ifu  
 teke ẹhu tso-beru ayi ẹna;  
 ayi etee ẹswa l'ulo Nchileke ayi.
- 17 Iphe a kuru akuku  
 l'alị kpošihuru nku.  
 Iphe bu ulo nri  
 adaburu ophorokpo;  
 ọba, nonu adakpošihu;  
 ke l'iphe e meberu l'alị yifuru eyifu.
- 18 Unu lewaru ẹge eswi atsugbaa ude;  
 elu l'ara nmaa nmaa;  
 ke l'ẹ to nwedu nri,  
 ẹphe e-ri;  
 mbu jeyekpo l'aturu;  
 be tuko nodu l'iphe-ehuka.
- 19 O kwa nggube Ojejoje;  
 be mu araku;  
 ke l'ẹke anu ataje nri  
 l'echi-egu; be oku dzufuwaru;  
 mbu l'iphe bu oshi, no l'egu ono;  
 be oku kefuwaru;
- 20 Anegu-egbudu tsotsua  
 l'atu henguhengu l'achọ ngu.  
 Iphe bu nggele, nonu;  
 be tashihuwaru nu;  
 oku adzufuwa eke elu ataje nri.

## 2

### *Igube, etsu gbigbigbi*

- <sup>1</sup> Unu gbuá ụpyoku lẹ  
     Ugvu Záyọnu!  
 Unu echia mkpu-ọgu  
 l'ugvu mu ono, dụ nsọ ono!  
 T'iphe bụ ndu bu  
 l'alì-a nmakwaa kpakpakpa;  
 kẹ l'eswe Ojejoje abyaakwa;  
 mbụ l'o ruakwaru eruru.
- <sup>2</sup> Mbọku ono a-gba ọchi;  
     dụkota gadzụgadzu.  
 Mbọku ono;  
 bẹ urukpu a-phukputa ẹkemeke ọbule;  
 ọchi agbakọta dudurudu.  
 Ikpoto ndu sọja,  
 ndu ike nọ awụ gidigidi  
 atso nyikunyiku abya  
 l'ọ bụ ọchi nchi-abọhu  
 sakputaru eli eze ugvu;  
 mbụ egbe iya ọphu  
 ta dọbudua keshinu ndiche;  
 ọphu ọ byadụ adụ l'ọgbo ọphu abya nụ.
- <sup>3</sup> Ọku nọ ẹphe l'uzo ifu  
     l'ekepyashi iphe ekepyashi;  
     nọdu ẹphe l'azụ l'enwu phophopho.  
 Alì, nọ ẹphe l'ifu dulephu  
 l'ọ bụ mgbabu Ídenu;  
 l'uzo azụ bụ echi-ẹgu,  
     daburu ochobo;  
     tọ dụ iphe anahụje ẹphe anahu.
- <sup>4</sup> Ẹphe gbaru ụgbugba ìnya;

l'akfù karagidingu  
karagidingu l'ò bù  
ìnya-ògu.

- <sup>5</sup> Igidi ẹ̀phe d̀lẹ̀phu  
l'ò bù igidi ụ̀gbo-ìnya;  
l'ẹ̀ke ẹ̀phe akfù  
gidimu-gidimu l'eli ugvu.  
Igidi ẹ̀phe d̀lẹ̀phu l'ò bù  
ọ̀da ekperima, ọ̀ku adzù;  
mbù l'ò bù ikpoto ndu soja,  
a chikoberu ọ̀nu gude eje ọ̀gu.\*
- <sup>6</sup> Iphe bù mbakeshi,  
phuru ẹ̀phe anọ̀duje ata chìchichi.  
Iphe bù onye phuru iya nù  
alajẹ̀ru iya ẹ̀hu iche.
- <sup>7</sup> Ẹ̀phe eshigabeje k'ọ̀gu  
l'ò bù ndu ike ka l'ọ̀gu;  
l'enyije ụ̀pho-mkpuma l'ò bù ndu soja.  
Ẹ̀phe akpoje giriri; l'adzọ̀ eje;  
ọ̀phu ọ̀ d̀dudu onye ahaje  
ẹ̀ka iya nk'iya;  
shia ẹ̀ka iya ọ̀do;
- <sup>8</sup> tọ̀ d̀dù onye akwajẹ̀ ibe iya akwakwa.  
Onyenọ̀nu akfujẹ̀ru jìngu l'adzọ̀ eje.  
Ẹ̀phe adzoje je adajahu ọ̀gu;  
ọ̀phu ẹ̀phe ejebedu vudo.
- <sup>9</sup> Ẹ̀phe ezehuje zeba lẹ̀ mkpukpu;  
l'enyi ụ̀pho-mkpuma gòdógòdó;  
nyitsua nyiba l'ime ụ̀lo;  
shi lẹ̀ windo bahu  
l'ụ̀lo l'ò bù ndu iphura.

---

\* 2:5 2:5 Àph 9:7, 9.

- 10 Mgboko anmakọta ẹphe  
 jijiji l'ifu.  
 Akpamigwe l'anma yikayika.  
 Ẹnyanwu yẹle ọnwa agbakọta ọchi;  
 mkpọ-kpodo ta fùhe.†
- 11 Ojejoje nọ ndu soja iya l'ifu  
 l'ekfu iphe eme nù;  
 kẹle ndu aluru iya ọgu  
 bụ 'aguta aguta; ẹge ono;  
 bẹ ike dọ ndu,  
 emeje iphe o kfulu.  
 Eswe kẹ Ojejoje  
 bukwa oke uboku; dọ egwu.  
 ?Bụ onye ha k'okpofu iya l'ifu?‡

*Unu kpuhaa obu unu*

- 12 Ojejoje sọru:  
 “Lẹ nta-a bulekwaa ẹgwa.  
 Unu gude obu unu l'ọ ha lakfuta iya!  
 Unu swia aswiswi;  
 gude ẹkwa; daa ẹhu lata!”
- 13 Unu lajaa obu unu;  
 haa ọlaja uwe!  
 Unu lakfuta Ojejoje,  
 bụ Nchileke unu;  
 kẹ l'oomeje eze-iphe-oma;  
 ẹge ono b'ọ phuje imiko!  
 Ẹhu te eghujedu iya  
 eghughu ẹgwegwa.  
 N-yemobu nk'ia  
 aburu 'o nwe agwugwu.  
 Ẹge ono b'ẹ tọ tujedu

† 2:10 2:10 Àph 9:2. ‡ 2:11 2:11 Àph 6:17.

kparara ome tẹ madzụ jee iphe-ẹhuka.

- 14 ?A maru m'ọo-ghakọbe  
 phuaru unu imiko;  
 mbụ ọọru ọnu-ọma nụ unu;  
 meeru unu iphe-ọma;  
 mbụ nụ unu nri; mẹ mẹe,  
 unu e-gudeje l'agwa Ojejoje, bụ Nchileke  
 unu.
- 15 Unu gbua ọpyoku ọbu lẹ Ugwu Záyọnu!  
 Unu raa ya arara t'a swiáru  
 Nchileke aswiwi, dọ nsọ!  
 Unu tya ndzuko,  
 a-duru Nchileke iche.
- 16 Unu chikobe ndu Ízurelu l'ẹkalanu!  
 Unu emee tẹ ndu, byaru  
 ndzuko ono dọ nsọ!  
 Unu kukobe ndu bụ ọgurennya;  
 unu achikobe unwegirima;  
 mẹ ndu ọphu eechekwadu ẹra!  
 T'onye luru nwanyi  
 k'ophungu hakwaa  
 mkpura iya lufuta;  
 nwanyi, a luru k'ophungu  
 ahaa mgbalabụ iya!
- 17 Tẹ ndu, achijeru Nchileke  
 ẹja, bụ ndu ejeru Ojejoje ozi raa ẹkwa  
 lẹ mgbaku nwulo, eeshije  
 abahụ l'eze-ulo Nchileke yele ẹnya-ngweja.  
 T'ẹphe kfua; sụ:  
 "Nggube Ojejoje;  
 phunuaru ndu nke ngu imiko!  
 Be emekwa tẹ ndu ono,  
 bụ òkè-iphe ngu ono



b́uru iphe ee-gude eme  
 iphe ọchi!  
 T'ẹphe ba b́u iphe mbakeshi  
 nọnu e-gude at́u mgbọnu.  
 ?Nańu ẹge ee-me t'a  
 wata okfuru ndu Ízurelù:  
 'B́u awe; b́e Nchileke unu ọbu nọ?' "

*Ọnu, Ojejoje e-ye*

- 18 Ono teke Ojejoje a-wata  
 oko okopho l'okfu ẹhu  
 ndu alì ono, b́u ndu nk'iya ono;  
 bya aph́aru ndibe iya imiko.
- 19 Ojejoje eyeeru ẹphe ọnu; sù:  
 "Ya evutaakwaru unu nri  
 yẹle mẹe ọphungu;  
 mẹ mańu olivu  
 Ya a-ńu iya unu; ńu iya k'etsutsu iya.  
 Ya te emehedu unu t'unu  
 b́uru iphe iphe b́u mbakeshi  
 e-gude l'eme ọnu-ọchi.
- 20 Ya a-chì-mihuru unu  
 ndu soja ono, shi l'ùzo  
 isheli ono achì-mihu;  
 mb́u je achìru ẹphe ye  
 lẹ kpọkpokirikpo alì,  
 ẹ-te nwedu iphe nọ iya ńu.  
 Ọgbo ivuzọ ọgu ẹphe;  
 b́e ya a-chìru ye  
 l'eze ẹnyimu ọzo  
 ẹnyanwu-ahata;  
 chìru ndu ikperaźu ọgu ẹphe  
 ye l'eze ẹnyimu ọzo ẹnyanwu-arìba.  
 Nshishi odzu ẹphe

a-nòdu achi madzų ọso.”

Iyee. Iphe Ojejoje meru pakwaru ẹka.

- 21 Ba atsushi egvu nggube ali Ízurelu!  
T'ẹhu gbe tso-chia ngu ẹna; nggu etee ẹswa;  
kele Ojejoje; be mekotawaru iphe ha nshinu.
- 22 Unu ba atsushi egvu unube anu, bu l'ẹgbudu;  
ke l'ẹke unu ataje nri,  
no l'echi-egu abyawa oruta iru.  
Oshi abyawa omishi nebyi.  
Oshi figu yele vayinu  
abyawa ome ike ẹphe.
- 23 Ẹhu tsoje unu ẹna;  
unube ndu Záyonu!  
Unu tee ẹswa Ojejoje,  
bu Nchileke unu;  
ke l'ọ chiwaru mini adada odungu,  
bu iphe o gude aguru unu nvu.  
Ọ watawaru ochishiru unu mini;  
mbu ọ chi mini odungu;  
me mini udzu-mini  
ege o shi achijehawa iya.
- 24 Ẹke, eetsuje witu; be witu  
e-mekochaa ji.  
Iphe eeyeje me;e;  
be me ọphungu yele  
manu olivu e-mekochaa ji;  
l'awushihu awushihu.
- 25 “Yebe Ojejoje a-kfua  
unu ugwo k'afa olemole  
ono, igube takotaru iphe unu ono;  
mbu oke igube;  
igube ndu ogbo lanu iya;  
me ndu k'otsu-dididi iya;

- mbu ndu soja iya ono,  
ike du, ya yeru t̄aru unu ono.
- 26 Unu e-nweru iphe unu  
a-n̄odu eri t'ępho ji unu;  
nwee k'etsutsu iya.  
Obenu l'ọ kwa Ojejoje,  
bu Nchileke unu;  
be unu e-tu ępha;  
mbu onye ono, meru unu  
iphe du biribiri ono.  
Ndibe iya; be ya te  
emehedu iphe-iphere ọdo.
- 27 Teke ono; be unu a-ma  
le ya n̄-a le Ízurelu;  
maru l'ọ bu iya bu Ojejoje, bu Nchileke unu;  
l'ę t̄o dudu onye ọdo, n̄onu.  
Ophu iphere 'abyadu bya eme ndu nk'iya ọdo.

*Eswę Ojejoje*

- 28 "E -metsua; be ya a-wuta Ume iya;  
wushi iphe bu madzu.  
Unwu unu ndu k'unwoke;  
me ndu k'unwany  
e-kfuchiru Nchileke;  
ndu bu ọgurenya unu  
a-r̄o nr̄o;  
unwu-okor̄oby a unu aph̄a àph̄u. §
- 29 Mboku ono;  
be ya a-wukwaphu Ume iya  
l'ęhu ndu ozi iya ndu k'unwoke;  
me ndu k'unwany.
- 30 Ya e-koshi iphe-ophulenya l'igwe;

---

§ 2:28 2:28-32 Ndu 2:17-21.

koshi iya ẹ mgboko kpamukpamu.  
 Aa-phụ mee yẹle ọku;  
 mẹ ọkpo-tútutu ẹnwuru-ọku.

- 31 Ee-eme ẹnyanwu;  
 t'ọ gbaa ọchi;  
 mee ọnwa t'ọ bụru mee; ẹmanu yo rua;  
 mbụ oke ụboku Ojejoje ono,  
 a-dụ egvu ono.\*
- 32 Iphe bụ onye kpọ-kuru  
 ẹpha Ojejoje; bẹ aa-dzọta;  
 kele ndzọta a-nọ ẹ  
 Ugvu Záyọnu;  
 mẹ ẹ Jerúsalemu, bụ ẹge Ojejoje kfuru iya.  
 Ndzọta ono a-nọru ndu  
 a-wafunu,  
 bụ ndu Ojejoje kuru.”†

### 3

*Ikpe, ee-kpe iphe bụ mbakeshi*

- 1 “O -rulephu mbọku ono,  
 mbụ teke yẹbe Ojejoje  
 e-dobephu ndu Júda;  
 mẹ ndu Jerúsalemu  
 azụ l'ọnodu ọma ẹphe;  
 2 bẹ ya a-chịta iphe bụ mbakeshi;  
 chịta ẹphe jeshia ẹ  
 Nsuda Jehoshafatu.  
 O bụ l'ẹke ono;  
 bẹ ya a-nọdu kpee ẹphe ikpe;  
 ke ndu ono, bụ ọkè-iphe iya ono;  
 mbụ ndibe iya, bụ ndu Ízurẹlu;

\* 2:31 2:31 Àph 6:12. † 2:32 2:32 Róm 10:13.

kẹ l'ẹphe chikashiru ẹphe;  
 ẹphe edzuru iphe bụ mbakeshi;  
 bya eworu alì yẹbe Ojejoje kee.

<sup>3</sup> Ẹphe turu ẹnwa gude kee ndibe iya;  
 bya egude ụnwu-okoro  
 gbata ụnwanyi ọkpara;  
 bya ereshia ụnwu-mgbọko  
 gude gaa mọe; t'ọ buru l'ẹphe angua mọe.

<sup>4</sup> “?Bụ ngunu; bẹ unu a-guru nụ iya; unubẹ  
 ndu Táya; mẹ Sayidonu; mẹ iphe bụ unubẹ  
 ndu ọnu-ogo Fílisutiya l'unu ha? ?Bụ iphe ya  
 meru; bẹ unu akfụ iya ụgwo iya tọo? Ọ -  
 buru l'ọ bụ ụgwo; bẹ unu akfụ iya; bẹ ya e-  
 kwo-o gburumu; mee ẹgwegwa bya eworu iphe  
 unu metaru tukobe unu l'ishi; <sup>5</sup> kẹ l'unu wotaru  
 mkpọla-ọcha; mẹ mkpọla-ododo yẹbe Ojejoje;  
 bya egwoo ẹku iya ndu ọphu katsua mma je  
 akube l'ulo nte unu. <sup>6</sup> Unu chitaru ndu Júda;  
 ẹphe lẹ ndu Jerúsalemu je eree ndu Girísu;  
 k'ọphu ẹphe a-nọdu ote-ẹnya l'alì ẹphe.

<sup>7</sup> “Ya e-je edulata ẹphe l'ẹke ono, unu chiru  
 ẹphe je ereshia ono. Iphe ono, unu meru ẹphe  
 ono; bẹ ya a-byabẹ unu l'ishi. <sup>8</sup> Ya a-chita ụnwu  
 unu: ndu k'unwoke; mẹ ndu k'ụnwanyi reshia  
 ndu Júda; ẹphe achita ẹphe ree ndu Sabiya, bụ  
 ọha, kwata nọdu l'ẹke, teru ẹnya.” Ono iphe  
 Ojejoje kfuru ndono.

<sup>9</sup> Unu kfukwaaru iphe bụ  
 mbakeshi t'ẹphe  
 kwakọbekwa k'ọgu!  
 Unu mekwaa tẹ ndu ike  
 ọgu nọ wụ-lihu!  
 T'iphe bụ ndu ọgu

wuritakwa ntse bya ọgu!

10 Unu kpukwaa ọgu unu t'ọ bọru ọgu-mbeke!  
Unu akpua nkogo unu t'ọ bọru ara!  
T'onye ike gvuru sukwa:

“L'ike ọokwa iya nta-a!”

11 Unu dzukobekwa;  
iphe bu mbakeshi!  
Unu shi l'ekemeke obule  
bya edzua l'eke ono!  
Nngube Ojejoje;  
menea te ndibe ngu,  
bu ndu ọgu  
shi l'imigwe wu-zita!

12 “T'iphe bu mbakeshi delihu;  
tsoru nyiku nyiku laa  
Nsuda Jehoshafatu;  
ke l'ọ bu l'eke ono;  
be yebe Ojejoje a-ọdu  
kpee iphe bu mbakeshi, bupheru iya  
mgburumburu ikpe.

13 Unu chilishia mma unu;  
ke l'iphe e meberu l'ali chaakwaru.  
Unu bya adzoshia akpuru vayinu obu;  
kele nsukutu, aadzoshije  
me vayinu jiwaru;  
ege iphe eeyeje me jikwaruphu.  
O kwaphu ege ono;  
be ejo iphe ephe jiru.”

14 Igwe-oha; be jiru  
Nsuda O-bua-ikpe;  
ke le mboku ke Ojejoje duakwa ntse.  
Yo bọru le

Nsùda O-bua-ikpe ono;  
bẹ ọo-mùkota.

15 Ènyanwu yẹle ọnwa;  
bẹ ee-me t'ọ gbaa ọchi;  
mkpọ-kpodo ta afu.

16 Ojejoje a-nọdu lẹ Záyọnu dee ekiri;  
nọdukwapu lẹ Jerúsalemu dee edede.  
Mgboko mẹ akpamigwe  
a-nmaa jijiji.  
Obenu l'ọ bụ lẹ Ojejoje;  
bẹ ndu nk'iya a-gbabeje;  
zeeru ndzụ;  
mbụ a -gbabe-a-dzuru k'unwu Ízurèlù.

*Ọnu-ọma Nchileke l'ẹke ndu nk'iya nọ*

17 “Ono teke unu a-ma lẹ yẹbe Ojejoje,  
bụ Nchileke unu; bu ebubu lẹ Ugvu Záyọnu;  
mbụ ugvu ono, duru iya nsọ ono.  
Jerúsalemu a-dụ nsọ;  
to nwehe lẹ ndu ọhodo abya alua ya ọdo.

18 O -rulephu mbọku ono;  
bẹ iphe bụ eze ugvu  
a-nọdu atsọshi mẹe ọphungu;  
nwugvu, nọnu nù  
l'atsọshi mini ẹra-eswi.  
Iphe bụ nggele,  
nọ l'alì  
Júda a-nọdu atsọkota atsọtso.  
Ọgba-mini agbafuhu  
l'eze-ulo Nchileke;  
wata ọtso l'ọbu mini;  
shi l'ẹke ono agba mini lẹ nsùda Sitimu.

- 19 Obenu lẹ́ Íjiputu;  
    bẹ́ ẹ́gbàrà à-kfù.  
    Édọ́mù àbùrù èchì-ẹ́gù, dàbùrù òchòbò.  
    Ishì iyà àbùrù l'ẹ́phẹ́ mẹ́rù  
    ndù Júdá àkpámàrà;  
    m̀bù l'ẹ́phẹ́ gbùshìrù  
    ndù ẹ́-tà àdùdù iphẹ́  
    ẹ́phẹ́ mẹ́rù l'`alì onò.
- 20 Alì Júdá; bẹ́ eè-bù ebùbù jeyewarù;  
    bukwàaphù lẹ́ Jerúsàlemù  
    tsube l'ògbò swerù l'ògbò.
- 21 Yà à-gwàtá ẹ́phẹ́ ụ́gwò ọ́chì ndù onò,  
    ẹ́phẹ́ gbùshìrù onò.  
    Yà tà àhàkwà ẹ́phẹ́ k'íkpe, nmarù ẹ́phẹ́;  
    kẹ́lẹ́ yẹ́bẹ́ Ojẹjọjẹ̀ bù lẹ́ Záyọ̀nù.”



**Bayiburu Ikwo**  
**Ikwo: Bayiburu Ikwo Bible**

copyright © 2014 Wycliffe Bible Translators, Inc.

Language: (Ikwo)

Contributor: Wycliffe Bible Translators, Inc.

All rights reserved.

2020-11-18

---

PDF generated using Haiola and XeLaTeX on 21 Feb 2024 from source  
files dated 29 Jan 2022

3867ef4e-3384-5ab4-a937-63476bb8a7bb